

# BENGKEL PERSEDIAAN PEPERIKSAAN: KUNCI KEARAH KECEMERLANGAN PELAJAR PPSM

Oleh Favilla Zaini



Antara aktiviti yang dijalankan semasa bengkel

Satu Bengkel Persediaan Peperiksaan telah diadakan pada 7 Jun 2024 yang melibatkan pelajar-pelajar Diploma Pengurusan Maklumat (CDIM110) daripada Semester 1 dan 2. Program telah tamat dengan jayanya. Antara objektif bengkel persediaan peperiksaan ini adalah untuk meningkatkan keyakinan para pelajar agar lebih bersedia apabila menduduki peperiksaan. Disamping itu, ia juga membantu meningkatkan kemahiran pelajar menjawab soalan peperiksaan dengan teknik yang betul dan sesuai dengan kehendak soalan peperiksaan. Usaha ini juga adalah untuk meningkatkan potensi dan nilai kendiri yang positif dalam kalangan para pelajar Pusat Pengajian Sains Maklumat.

Melalui bengkel yang dijalankan, para pelajar secara tidak langsung diberi pendedahan bagaimana merancang dan mengumpul maklumat berkaitan persediaan peperiksaan. Selain itu, perbincangan juga diadakan di mana pelajar diberi peluang untuk bertanya soalan seperti panduan dalam peperiksaan, peruntukan markah dan kaedah menjawab soalan dengan betul.

Antara pensyarah yang terlibat ialah Suhaida Halamy, Nurfalzah Kamarudin, Zainon Hj Bibi, Nur Hayati Kassim, Favilla Zaini dan Sharin Sulaiman.

Kepuasan terpancar di wajah para pelajar setelah bersama menjalani aktiviti dalam kumpulan bersama fasilitator dan juga penasihat akademik pelajar. Pengurusan bengkel ini patut diteruskan bagi membantu pelajar meningkatkan kemahiran pembelajaran yang lebih baik.